

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allanngueq.

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Oqaaseqaat:

Siumuminngaaniit Ilinniartitaanermut, Kultureqarnermut, Timersornermut Ilageeqarnermullu Naalakkersuisup siunnersuutaa imaattoq: "Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allanngueq" pillugu imaattumik oqaaseqassaagut.

Siumuminngaaniit pingaartipparput inatsisit suliarineqarnikuusut inatsisartut akuerinikuusaat ataavartumik ullutsinnut pissutsinut malinnaatinneqarlutik allanngortinneqartarnissaannik.

Uanimi Naalakkersuisut saqqummiussaani pineqarmat inuutissarsiutinik ilinniartitsinerit aammalu inuussutissarsiutinik ilinniartitaanerup iluani pikkorissaanerit pillugit inatsisaareersumik nutarsaanissaq.

Taamatut allannguinissaq aallaaveqarpoq Naalakkersuisut ukioq 2022 qaammat marsimi isumasioqatigiissitsinerminni sulisitsisullu periarfissanik ilinniartoqarnerup pitsanngorsarneqarnissaannillu oqariartornerat aallaavigalugu. Tamannalu Naalakkersuisunit tusaaneqarluni allannguinissaq pisariaqalersimavoq.

Inatsimmik allannguinerup kingunerisussaassavaa ilinniartut amerlanerit aallartissinnaangornissaannik piginnaasallu pigeriikkat nukittorsarneqarnissaannik, pitsaanerusumillu ilinniartoqarnikkut alloriaqqinnissami una inatsisissaq tikkuussisussaavoq.

Siumuminngaaniit siunertarivarput nunatta namminiilivinnissaanut sakkussatta ilagilluinnaraat ilinniarsimassutsikkut siuarsaanissaq qaffassaanissarluni.

Kalaallit nunarpummi ilinniarsimassutsikkut siursaaffiguarutsigu innuttaasut ajunnginnerpaamik namminiilivinnissatsinnut aqqusioqataaffigissagipput Siumumiit isumaqarpugut.

Siumuminngaaniit suliffeqarfiit oqariartornerat inatsit allanngortinneratigut ilinniartut amerlinissaannik kinguneqartussat nangaangivilluta allannguinissamut peqataassaagut.

Taamaammat Naalakkersuisuniit inatsisinik nutarteriniarnerannik Siumuminngaaniit paasinnilluta tamakkiisumik taperserlugu akuersaarparput.

Mala Høy Kúko, Siumut